



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorvm

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

LXVII. Praeceptum Karoli Regis de libero transitu per omnes fines regni  
negotiandi causa sine solutione cujusquam telonei.

**urn:nbn:de:hbz:466:1-22974**

nitibus, Vicariis, Actionariis, Centenariis, vel cunctis fidelibus nostris & sanctæ Ecclesiæ præsentibus scilicet & futuris. Notum sit quia si sacerdotum ac servorum Dei petitiones, quas nobis pro suis necessitatibus innovaverint, ad effectum perducimus, non solum regalem consuetudinem exerceamus, verum etiam æternæ remunerationis præmium apud Dominum recipi non dubitamus. Quocirca noverit omnium sanctæ Dei Ecclesiæ fidelium nostrorumque tam præsentium quam & futurorum solertia quia vir venerabilis Abbas Hildericus ex monasterio quod dicitur Caunas, quod est situm in pago Narbonensi, constructum in honorem sanctorum Apostolorum Petri & Pauli super fluvium Argenti duplicis, detulit nobis præceptum avi nostri Karoli Augusti Imperatoris, in quo continebatur qualiter idem monasterium, cui bonæ memoriæ venerabilis Abbas Daniel præerat, Aniano Abbati in sua elemosyna concesserat uti per ejus defensionem atque immunitatem & tuitionem quietè secundum regulam sancti Benedicti viverent, & denuo avus noster per suam auctoritatem, paternum sequens morem, supra scriptum monasterium cum suis omnibus appendiciis vel terminis, sicut in illorum instrumentis resonat, recepisset immunitatemque benignè contulisset, aliud nobis simili tenore nostræ auctoritatis præceptum ipsius scilicet venerabili quodam Abbati nomine Daniel factum, qualiter ipsum monasterium sub nostræ immunitatis tuitione jure perpetuo manendum instituit. Sed pro firmitatis munimine deprecatus est nos prædictus Abbas Hildericus ut circa ipsum sanctum locum denuo ei pro mercedis nostræ æternæ ac regni nostri augmento eadem concedere dignaremur nostræ auctoritatis præcepto. Cujus petitionem denegare nolumus, sed ita in omnibus & præsentibus & futuri sanctæ Dei Ecclesiæ fideles & nostri concessimus ac perpetuo confirmatum esse cognoscant à nobis. Petiit etiam ut illas cellulas quas in pago Carcassense, in loco Hautano & sancti Fructuosi, cum omnibus juribus & pertinentiis suis, & cum omni supraposito illorum, & in Narbonensi in loco sancti Pauli, & salinas quas obtinent in stagno juxta Narbonam in loco qui dicitur Achadalar, in Minerbense Ecclesiam beatæ Mariæ cujus vocabulum est Libris, cum omnibus appendiciis & pertinentiis suis, villam Baiano cum finibus ac terminis illius ad donum sanctorum Petri & Pauli perpetuo & in æternum pertineant. *Cetera desunt.*

## LXVII.

*Præceptum Karoli Regis de libero transitu per omnes fines regni negotiandi causa sine solutione cuiusquam telonei.*

An. 844. **I**N nomine sanctæ & individue Trinitatis. Karolus gratia Dei Rex omnibus Episcopis, Abbatibus, Ducibus, Comitibus, Vicariis, Centenariis, Telonariis, Actionariis, vel omnibus rempublicam administrantibus, seu cunctis fidelibus sanctæ Dei Ecclesiæ & nostris tam præsentibus quam futuris. Notum esse volumus

quia vir venerabilis Engilbertus monasterij Fossatis Abbas nostræ ostendit celsitudini præceptum bonæ memoriæ Domini & genitoris nostri Hludovici Imperatoris, in quo continebatur qualiter ad petitionem Bigonis quondam illustri Comitis ipsum monasterium, quod est constructum in honorem sanctæ & intemeratæ semperque virginis Mariæ necnon & beatorum Apostolorum Petri & Pauli super fluvium Maternam, sub suo mundeburde atque defensione cum omnibus rebus & hominibus eidem monasterio subiectis suscepisset, ex sua fratrumque sibi commissorum parte humili supplicatione deprecans ut in nostram ac genitoris nostri elemosynam ipsum monasterium sub nostra tuitione & defensione simili modo reciperemus, & idem præceptum nostro nomine renovare & confirmare juberemus: in quo etiam illud similiter, sicut & in prædicto præcepto insertum fuit, inserere petierunt, ut quandoquidem monachis in eodem monasterio degenantibus Misos suos in aliquam partem regni nostri negotiandi gratia dirigere cum carnis videlicet & laginis seu navigio vel cum quolibet negotio, licentiam habeant pergendi ubi voluerint absque alicujus infestatione vel contrarietate. Quorum petitionibus propter Dei amorem & pie recordationis genitoris nostri ac nostram elemosynam libenter annuere & has auctoritatis nostræ literas conscribere & roborare decrevimus; per quas cunctis fidelibus nostris præsentibus & futuris jubemus ut ubi Missi prædicti Abbatis aut successorum ejus infra ditionem regni nostri negotiandi causa directi fuerint, nemo teloneum neque quod vulgò dicitur ripaticum, neque rotaticum, aut pontaticum, vel portaticum, aut tranaticum, atque cispaticum, necnon & salutaticum, aut ullum censum, vel ullum occursum, aut ullam redhibitionem ab ipsis accipere aut exactare præsumat; sed liceat tam eos quam homines vel omnia illorum cum pace discurrere & negotia sua libenter peragere; & ad quancunque civitates aut portus vel loca accessum habuerint, nullam inquietudinem aut detentionem aut contrarietatem ab aliquo fidelium nostrorum patiantur; sed ubicunque directi fuerint, sive navigio aut terreno, securi & quieti, cum omnibus que deferunt, per præsentem auctoritatem nostram ire & redire valeant. Et ut hæc auctoritas firmior habeatur & à fidelibus sanctæ Dei Ecclesiæ & nostris diligentius conservetur, manu propria nostra subter firmavimus, & anuli nostri impressione adsignari iussimus.

Signum Karoli gloriosissimi Regis.

Meginarius Notarius ad vicem Hludovici recognovi.

Data v. Idus Decembris anno Christo propitio V. regnante Karolo Rege, Indictione VII.

Actum in monasterio sancti Dionysij in Dei nomine feliciter. Amen.

